

景明刻本鹽邑志林

三九

聖門志卷之三下

海鹽呂元善纂輯

武定袁化中

參考

玉山董繼周

兄呂元美

編次

侄呂濬

男呂兆祥

訂閱

孫呂逢時

歷朝科目

漢以上無制科
制科自隋唐始

甲科題名

隋

孔嗣哲三十二代煬帝大業四年登進士第

唐

孔昌寓三十五代太宗貞觀十三年應制登科爲膳部郎中

顏康成三十八代高宗永徽二年狀元及第擢制科太子舍人崇文學士

顏強學康成弟進士制舉校書郎

顏希莊強學弟登進士銀青光祿大夫和州刺史
孟詵三十一代高宗朝擢進士累遷鳳閣舍人

孔 禎三十四代擢進士第爲監察御史蘇州長史累遷絳州刺史封武昌縣子謚曰溫

孔季翊字季和三十五代武后永昌四年應制登科授校書郎終左補闕

顏元孫字聿修三十九代武后嗣聖元年舉進士解褐彭城簿歷登封長安二尉洛陽丞著作佐郎太子舍人時玄宗監國獨掌令誥當時以爲綸言之最玄宗嘗出諸家書跡數十卷令定其真僞元孫分別以進玄宗大悅因賜牋藤筆墨衣服等物出爲潤州長史遷滁沂二州刺史終

朝散大夫豪州刺史上柱國生子五春卿杲卿
曜卿旭卿茂卿著文集三十卷千祿字書一卷
顏隱朝三十九代進士拔萃河北尉

顏貞長三十九代太子文學惟貞第四子舉明經
進士

顏幼輿字令軌惟貞第五子進士齋郎歷新息簿
左衛帥府兵曹賜緋魚袋

顏真卿字清臣幼輿弟玄宗開元中舉進士登甲
科爲監察御史出爲平原太守安祿山反河朔
盡陷獨平原城守具備肅宗幸靈武授工部尚

書兼御史大夫出爲同州刺史浙江西道節度使徵爲刑部尚書李輔國矯詔遷玄宗居西宮真卿乃首率百寮上表請問起居輔國惡之奏貶蓬州長史代宗嗣位拜利州刺史除尚書左丞改檢校刑部尚書知省事累進封魯公爲宰相元載所陷貶陝州別駕撫州湖州刺史元載伏誅拜刑部尚書又爲楊炎盧杞所忌改太子太師李希烈反義不屈死之贈司徒謚文忠元世祖至元三年于費縣東魯公祠創立書院設

山長一員奉祀

聖門志 卷三
孔 載三十八代德宗貞元二十年擢進士

孔 戡字勝始三十八代德宗時進士及第由金
吾錄事遷大理評事盧從史鎮澤潞辟爲書記
從史寢驕與王承宗田緒陰相結欲效河朔事
以固其位戡每秉筆至不軌之言極諫以爲不
可從史怒歲餘謝病歸洛陽李吉甫鎮楊州召
爲賓佐從史知之上疏論列請行貶逐憲宗不
得已授衛尉丞分司洛陽詔出呂元膺不可上
曰朕豈不知哉行將用之矣未幾卒贈司勳員

外郎

孔 幾字君嚴戡弟德宗時登進士第爲侍御史
轉尚書郎改諫議大夫累官尚書左丞改華州
刺史潼關防禦使入爲大理卿遷國子祭酒授
廣州刺史嶺南節度使敬宗卽位召爲吏部侍
郎二年轉尚書左丞累請老詔以禮部尚書致
仕卒年七十三贈兵部尚書謚曰貞幾弟戢舉
明經登第判入高等授校書郎贈工部尚書
孟 簡字幾道三十四代憲宗元和中舉進士宏
辭連中累遷倉部員外郎拜諫議大夫出爲常
州刺史州有孟瀆久淤闕簡治導溉田凡四千

頃以勞賜金紫召爲給事中代李遜爲浙東觀察使以工部侍郎召還進戶部加御史中丞元和末崔群旣相而簡代之左授太子賓客分司東都再貶吉州司馬以赦令進睦州刺史復徙常州仍太子賓客分司卒

孔溫裕幾次子舉進士位左丞太平軍節度使鄆曹濮等處觀察使懿宗咸通十年奏捐已貲修葺祖廟

孔溫資三十九代舉進士位太子少保
孔溫孺幾長子憲宗時舉進士終華陰縣丞

孔敏行字至之三十九代憲宗元和元年狀元及第歷拾遺補闕起居郎諫議大夫集賢學士

顏勝四十代進士左補闕

顏式宣四十代進士殿中侍御史

顏方僑四十代進士宮門丞

孔溫業字遜志戢之子穆宗長慶元年第二人及第宣宗大中時爲吏部侍郎後爲太子賓客

顏順四十代進士評事

顏韶四十一代進士

顏覲四十一代弘文進士

聖門志 卷之三
孟 郊字東野三十五代少隱嵩山韓愈一見爲
忘形交年五十得進士第調溧陽尉卒年六十
四張籍謚曰貞耀先生

顏逸休四十三代武宗會昌六年登第授鄭縣令
撰文飛應詔文集傳於世

孔 緯字化文溫孺子宣宗大中十二年狀元及
第釋褐校書郎歷觀察判官遷翰林學士正拜
中書舍人乾符中改御史中丞歷吏戶兵三部
侍郎從僖宗幸蜀改刑部尚書判戶部事還京
遷御史大夫又從幸梁拜中書門下平章事駕

還進位左僕射賜號持危啓運保義功臣食邑
四千戶賜鐵券恕十死賜天興縣莊善和里宅
各一區昭宗卽位進加司徒封魯國公兼太保
軋寧中復拜司空兼門下侍郎同平章事卒於
第贈太尉

自元和後孔氏子孫貴盛至正卿方
鎮者甚多至公始登台輔云

孔 纁字徽夫四十代懿宗咸通元年狀元及第

孔 絢字咸休四十代懿宗咸通元年登進士第
僖宗乾符三年調丹陽令因家焉

孔 綸字昌言四十代懿宗咸通元年登進士第
九名歷殿中侍御史戶部郎中

聖門志 卷三
孔振字國文四十代懿宗咸通四年狀元及第
詳具世紀

顏逸少四十三代懿宗咸通六年甲科第二人左

拾遺

孔照字濟美

原名晃後避宋諱改爲照

四十代懿宗咸通七

年登進士第十一名終萊州刺史

孔紆四十代懿宗咸通七年登進士第十三名

顏詢四十二代僖宗乾符四年登第

孔拯字弘濟四十代僖宗中和三年狀元及第

歷官侍郎

坊以上兄弟四狀元今闕里有四狀元

孔 閏幾之孫昭宗景福初登進士任袁州刺史

孔昌庶字幾聖四十一代乾寧元年狀元虞部

中郎

孔 邈字準之四十一代昭宗乾寧五年登進士

第五名終諫議大夫

孔昌明字昭儀四十一代昭宗光化三年登進士

孔昌弼字佐化緯之子進士及第終散騎常侍

孔昌序字昭舉四十一代進士及第終散騎常侍

宋

孔 憲四十四代太宗太平興國二年登進士第

任尚書工部員外郎河東轉運使

聖門志 卷三
孔 勗字自牧四十四代太宗雍熙二年進士及第詳具南宗

曾 碩四十二代太宗淳化三年登第官黃州從事南雄州軍事判官榮州觀察判官朝奉郎大理丞

孔道輔字原魯勗長子真宗咸平元年賜進士出身詳具南宗

曾 顥碩弟真宗咸平五年登第官至筠州錄叅曾 顏顥弟真宗咸平五年登第官至循州團練判官

孔渭四十四代真宗大中祥符元年同進士出身

孔聖祐四十六代真宗大同祥符元年同進士出身詳具世紀

孔延澤四十五代進士及第贈諫議大夫

孔延之四十六代仁宗慶曆二年登進士第司對

郎中與周濂溪友善卒葬廬山南豐曾鞏誌其

墓贈殿中丞金紫光祿大夫

生子三文仲武仲平仲皆舉進士

曾朝陽四十四代仁宗慶曆間舉進士爲石首令
改忠州從事教民文學有文集二十卷

聖門志 卷三
曾 匪朝陽弟仁宗慶曆間舉進士爲南安主簿
改龍南令設學教子弟後移知玉山

曾載陽四十四代舉進士贈將仕郎

孔舜亮字君亮道輔長子仁宗嘉祐四年進士及
第以屯田員外郎贈左中散大夫上柱國開國
伯食邑七百戶賜紫金魚袋致仕特進少師

孔宗翰字周翰道輔次子進士及第詳具曲阜縣
世職

顏 復字長道四十九代仁宗嘉祐中詔郡國敦
訪遺逸京東以復薦凡試於中書者二十有一